

## Vemurafenib ar gyfer melanoma na ellir ei dynnu'n llwyr neu felanoma metastatig gyda'r mwtadiad BRAF V600

*Mae 'canllawiau arfarnu technoleg' NICE yn rhoi cyngor ar sut a phryd y dylid defnyddio cyffuriau a thriniaethau eraill vn v GIG.*

Mae'r ddogfen hon yn ymwneud â phryd y dylid defnyddio **vemurafenib** i drin pobl sydd â melanoma na ellir ei dynnu'n llwyr neu felanoma metastatig gyda mwtadiad BRAF V600 yn y GIG yng Nghymru a Lloegr. Mae'n egluro'r canllawiau (cyngor) gan NICE (y Sefydliad Cenedlaethol dros Iechyd a Rhagoriaeth Glinigol). Fe'i hysgrifennwyd ar gyfer pobl â melanoma ond gall hefyd fod yn ddefnyddiol i'w teuluoedd neu ofalwyr neu unrhyw un sydd â diddordeb yn y cyflwr.

Nid yw'n disgrifio melanoma na'r triniaethau'n fanwl – dylai aelod o'ch tîm gofal iechyd drafod y rhain gyda chi. Gallwch gael rhagor o wybodaeth gan y sefydliadau a restrir ar dudalen 4.

*Efallai nad hon  
yw'r unig driniaeth  
bosibl ar gyfer  
melanoma malaen  
mwtaniad BRAF  
V600 positif sy'n  
ddatblygedig yn  
lleol neu'n  
fetastatig.  
Dylai eich tîm gofal  
iechyd siarad â chi  
ynghylch p'un a  
yw'n addas i chi a  
pha opsiynau  
triniaeth eraill sydd  
ar gael.*

## Beth mae NICE wedi'i ddweud?

Mae NICE yn argymhell vemurafenib fel triniaeth bosibl ar gyfer melanoma na ellir ei dynnu'n llwyr neu felanoma metastatig gyda'r mwtadiad BRAF V600.

## Pam bod NICE wedi dweud hyn?

Mae NICE yn edrych ar ba mor dda y mae triniaethau yn gweithio yn ogystal â pha mor dda y maent yn gweithio mewn perthynas â'u cost i'r GIG. Mae NICE yn rhoi ystyriaeth arbennig i driniaethau a all ymestyn bywydau pobl sy'n agosáu at ddiwedd eu hoes. Mae NICE wedi argymhell vemurafenib am ei fod yn gweithio'n well na thriniaethau eraill sydd ar gael ar y GIG. Er ei fod hefyd yn costio mwy na thriniaethau eraill, cafodd hyn ei gyfiawnhau oherwydd ei fanteision o gymhwyso'r ystyriaethau arbennig.

## Melanoma na ellir ei dynnu'n llwyr neu felanoma metastatig gyda'r mwtadiad BRAF V600

Mae melanoma yn fath o ganser y croen. Dywedir nad oes modd tynnu melanoma yn llwyr pan na ellir cyflawni hynny drwy lawdriniaeth, ac ystyr metastatig yw os yw wedi gwasgaru i rannau eraill o'r corff. Achosir un math o felanoma gan newidiadau annormal (mwtadiadau) mewn protein celloedd o'r enw BRAF V600. Gall prawf ddangos a oes gan diwmor y mwtadiad hwn ai peidio.

## Vemurafenib

Mae vemurafenib (a elwir hefyd yn Zelboraf) yn gyffur sy'n gweithio drwy achosi i gelloedd canser gyda'r mwtadiad BRAF V600 farw.

## Beth mae hyn yn ei olygu i mi?

Pan fydd NICE yn argymhell triniaeth, rhaid i'r GIG sicrhau ei bod ar gael i'r bobl hynny y gallai eu helpu, fel arfer o fewn tri mis i gyhoeddi'r canllawiau.

Felly, os oes gennych felanoma na ellir ei dynnu'n llwyr neu felanoma metastatig sydd â'r mwtadiad BRAF V600, a'ch bod chi a'ch meddyg o'r farn mai vemurafenib yw'r driniaeth gywir i chi (gweler 'Beth mae NICE wedi'i ddweud?' ar dudalen 2), dylech allu cael y driniaeth ar y GIG. Gweler [www.nice.org.uk/aboutguidance](http://www.nice.org.uk/aboutguidance) os ydych o'r farn eich bod yn gymwys i gael y driniaeth ond nad yw ar gael.

## Rhagor o wybodaeth

- Gall y sefydliadau isod roi rhagor o wybodaeth a chymorth i bobl â melanoma. Nid yw NICE yn gyfrifol am ansawdd na chywirdeb unrhyw wybodaeth neu gyngor a roddir gan y sefydliadau hyn.
- CancerHelp y DU, 0808 800 4040  
[www.cancerhelp.org.uk](http://www.cancerhelp.org.uk)
- Factor 50, 07930 375 360  
[www.factor50.org.uk](http://www.factor50.org.uk)
- Cymorth Canser Macmillan, 0808 808 0000  
[www.macmillan.org.uk](http://www.macmillan.org.uk)
- Skcin - Elusen Canser y Croen Karen Clifford  
[www.skcin.org/](http://www.skcin.org/)

Gall NHS Choices ([www.nhsdirect.wales.nhs.uk](http://www.nhsdirect.wales.nhs.uk)) fod yn fan da i gael gwybod mwy. Os ydych yn byw yng Nghymru dylech siarad â Galw Iechyd Cymru i gael gwybodaeth am bwy i gysylltu â nhw.

## NICE

Mae NICE yn llunio canllawiau (cyngor) i'r GIG ar atal, canfod a thrin cyflyrau meddygol. Ysgrifennir y canllawiau gan arbenigwyr annibynnol gan gynnwys gweithwyr gofal iechyd proffesiynol a phobl sy'n cynrychioli cleifion a gofalwyr. Maent yn ystyried y dystiolaeth sydd ar gael am y clefyd a'r triniaethau, barn cleifion a gofalwyr a phrofiadau meddygon, nyrsys a gweithwyr gofal iechyd proffesiynol eraill, ac yn ystyried y costau sydd ynghlwm. Disgwylir i staff sy'n gweithio yn y GIG ddilyn y canllawiau hyn.

*I gael rhagor o wybodaeth am NICE, ei waith a sut mae'n gwneud penderfyniadau, ewch i [www.nice.org.uk/aboutguidance](http://www.nice.org.uk/aboutguidance)*

*Mae'r ddogfen hon a fersiynau eraill o'r canllawiau a anelir at weithwyr gofal iechyd proffesiynol ar gael yn [www.nice.org.uk/guidance/TA269](http://www.nice.org.uk/guidance/TA269)*

*Rydym yn annog y GIG a sefydliadau gwirfoddol i ddefnyddio testun o'r ddogfen hon yn eu gwybodaeth eu hunain am felanoma malaen mwtadiad BRAF V600 positif sy'n ddatblygedig yn lleol neu'n fetastatig.*

**National Institute for Health and Clinical Excellence**

Level 1A, City Tower, Piccadilly Plaza, Manchester M1 4BT; [www.nice.org.uk](http://www.nice.org.uk)

ISBN 978-1-4731-0067-1

N2887 December 2012

© National Institute for Health and Clinical Excellence, 2012. All rights reserved. This material may be freely reproduced for educational and not-for-profit purposes. No reproduction by or for commercial organisations, or for commercial purposes, is allowed without the express written permission of NICE.